

## **Susi Soliva-Nötzli, Sedrun/Langnau a.A.**



Igl ei stau il fervent giavisch e desideri da Susi Soliva da vegnir satrada cheu a Sedrun. L'entira cuntrada purscheva ad ella ruaus e convalescenza, cargava ella cun novas forzas.

Susi Soliva-Nötzli ei naschida ils 21 da fevrer 1940 a Richterswil. Ses geniturs ein stai Lina ed Jakob Nötzli. Sia affonza passenta ella sco la giuvna el ravugl da treis fargliuns. Ord motivs finanzials ha ella suenter las usitadas scolas dil vitg buca saviu empernder in mistregn. Tuttina ha ella giu la fortuna e survegniu ina plazza en ina fatschenta da famiglia, ella elavuraziun da curom. Leu eis ella stada sco da casa, tier la famiglia Hoffmann. Aschia ei naschida ina relaziun profunda tier quella famiglia nua ch'ella ha buca mo empriu responsabladad e senn per laver exacta, mobein era retschiert carezia, premissas fundamentalas per ina veta futura.

Igl onn 1962 empresen ella d'enconuscher siu um Lucas, oriunds da Sedrun/Gonda. Els sespusan e maridan igl onn 1966. Dus onns pli tard nescha la feglia Esther. Paucs onns pli tard vegn Susi grevamein malsavanaugh. La maligna malsogna multiple sklerose ei ina greva frida per la giuvna mumma. Ella suporta denton quella malsogna nuncurabla cun energia, speranza e bia pazienza. 1990 vegn ella dapli aunc malsavanaugh dil cancer. Bia memia baul eis ella spartida ils 21 da fenadur 1992. Ils ses piardan ina zun carezada mumma e dunna, ina persuna plein veta e da fin sentiment. Ad ella seigi dau la pasch meritada.